

DISSERTATIO INAUGURALIS MEDICA

De,

# NATURÆ ET ARTIS EFFECTU IN MEDENDO,

Quam

AUSPICIO ALTISSIMI NUMINIS  
IN REGIA ET ILLUSTRİ FRIDERICIANA

RECTORE MAGNIFICENTISSIMO,

SERENISSIMO PRINCIPE AC DOMINO,

DN. PHILIPPO WILHELMO,

PRINCIPE BORUSSIÆ, MARCHIONE BRAN-  
DENBURGICO, ET RELIQUA,

AUTORITATE INCLYTÆ FACULTATIS MEDICÆ  
PRÆSIDE

DN. FRIDERICO HOFFMANNO,

CONSILIARIO ET ARCHIATRO REGIO, MEDIC.

ET PHIL. NAT, PROF. PUBLIC. ORDINAR,

h. t. DECANO,

*Patrono ac Præceptore suo ætatem colendo*

PRO GRADU DOCTORALI

Summosque in ARTE SALUTARI Honores & Privilegia ritè &  
more majorum legitimè capeffendi

LICENTIA

*ad diem XXV. Septembr. MDCCII. H. L. Q. C.*

Placidæ Philiatruræ Disquisitioni

P. P.

M. JOHANNES CASPAR Meßger/

Battenberg. Palatinus.

ТЕХНИКА

ПРОГРАММА

ОБЩЕСТВА

НАЦИОНАЛЬНО-ДЕМОКРАТИЧЕСКОГО

ПРОГРЕССА

НАЦИОНАЛЬНО-ДЕМОКРАТИЧЕСКОГО

ПРОГРЕССА

ПРОГРЕССА

ПРОГРЕССА

ПРОГРЕССА

ПРОГРЕССА

ПРОГРЕССА

ПРОГРЕССА

ПРОГРЕССА

ПРОГРЕССА

ПРОГРЕССА

ПРОГРЕССА

ПРОГРЕССА

ПРОГРЕССА

ПРОГРЕССА

ПРОГРЕССА

ПРОГРЕССА

ПРОГРЕССА

ПРОГРЕССА

ПРОГРЕССА





B. C. D.  
DISSERTATIO MEDICA  
De  
ARTIS ET NATURÆ EF-  
FECTU IN MEDENDO.

PROOEMIUM.

**D**uo maxime sunt medici, qui lan-  
gventi corpori succurrunt, & infen-  
sas vitæ ægritudines & molestias tol-  
lunt: alter est Natura, quæ a vene-  
randa antiquitate non inepte mor-  
borum medicus salutatur: alter est artifex, qui  
solerti ratione causas morborum scrutatus, iisdem  
accommodata opponit auxilia. Horum vero  
summus & princeps est ipsa natura, quam ars hu-  
manaque ratio & imitari, & adjuvare debet; si-  
quidem sine natura i. e. sine corporis viribus ars  
nihil plane præstare potest. Ubi enim hæc defi-  
cit, ubi langvet, ubi plane intermittit suas actio-  
nes, artis omne opus cessat. Felix itaque ille exi-  
stimatur medicus, qui sub naturæ favore & ener-



gia operatur, & hac duce suas molitur curationes. Quin ipsa natura sola & destituta externa medici ope, graves sæpe tollit ægritudines, præfidiis ac instrumentis communita præstantissimis. Sicut contra & plures dantur morbi, in quibus natura sola parum valet, sed manu & ope artificis adjuvari cupit, quo quidem in casu & artis præstantia & artificis ingenium cognoscitur. Sunt etiam nonnulla affectuum genera, quæ conjunctum naturæ & artis postulant officium, ubi natura quidem medetur, sed cum difficultate, cum tempore. Quam in rem more suo pulcre effatur Celsus l. 2. c. 14. p. 89: Potest morbus, inquit, qui per se finem habiturus est citius, adhibito auxilio tolli, ut quam primum bona valetudo contingat, & ne morbus, qui remanet, etiam exasperetur. Igitur naturæ & artis effectum & opus in medendo cognoscere & recte distingvere, non minima sapientiæ pars est. Et quemadmodum in rebus spiritualibus, quæ ad salutem animæ pertinent, ardua res est, naturæ & gratiæ limites atque fines discernere; ita certe in medicina haud facile negotium est, naturæ vim & artis sive remediorum effectus atque limites invicem distingvere. Quam quidem in rem quotidie peccatur, etiam ab ipsis medicis, dum quod

tri-



tribuere debent naturæ, artis opus esse existimant, quibus dum sibi blandiuntur, non levis in explorandis medicamentorum viribus error cominititur. Non alienum itaque erit, hoc eximium in medicina argumentum paulo majori studio agitare, quod laboris in præsentī bono cum DEO cum specimen inangurale edendum esset, suscepimus. DEUS T. O. M. gratia sua & auxilio labori nostro assistat.

§. I.

**I**gitur naturæ & artis in medendo effectus in conspectum daturi, ut tam arti quam naturæ sua constet laus, primum omnium utile erit, ex veterum monumentis, quid illi hac de re judicaverint, proponere. Utrique tam naturæ quam arti suas assignarunt laudes. Aperte Hippocr. L. VI. Epid. *ἡσώων* inquit, *Φύσεις ἰατροὶ*, naturæ morborum medici, quod libro de arte fufius explicat: *Natura*, inquit, *ipsa sibi per se non ex consilio motiones ad actiones obeundas invenit, a nullo quidem edocta, citraque disciplinam ea, quæ conveniunt, efficit.* Et alibi Lib. de Diæta hæc prodidit idem gravissime: *Ars medica*, inquit, *ab eo quod molestum est, liberat, & id, ex quo quis ægrotat, auferendo, sanitatem reddit: idem & natura per se facere novit.* Artis vero præstantiam in sanando Lib. de Arte p. 21. in fine hisce deprædicat: *Quando natura non sponte excernenda dimittit, medicina necessitates ac vires invenit, quibus natura coacta indemnis dimittat sive excernat, nam stimulata monstrat medentibus, quæ sint facienda.* Neque minus pulchre discrimen effectus artis & naturæ Galenus L. de Constit. Artis c. 12. hisce adstruit: *Sunt alia naturæ, alia medicis negata & concessa. Naturæ quidem impossibile est, ita os confractum, ut ejus partes a nativa*



*sede aberrant, membrumque distortum sit, corrigere & confirmare, quod medicis possibile est: quemadmodum & luxatum medicus reponere potest, natura non potest. Contra cavum ulcus carne replere natura potest, medicus non potest, sicuti ex semicoctis aut crudis aliquid concoquere: sed in his medicus naturæ famulatur.*

## §. II.

Equidem naturam medicum esse corporis nostri, uno ore fere omnes profitentur, attamen quid per naturam intelligatur, nondum plenus adhuc inter medicos reperitur consensus. Sique ullum vocabulum variis patet explicationibus, certe hoc ipsum est. Verum enim vero cum vocabula in se nihil reale habeant, sed tantum notæ ac signa sint rerum, non alienum fore putamus, omnis ambiguitatis & confusionis evitandæ causa quid per naturam velimus intellectum, breviter succincteque explicare. Primum vero monendum est, vocabulum naturæ confundendum non esse cum ipsa anima tam sensitiva quam rationali. Sæpius has voces inter se miscent autores; cum tamen distinctæ res sint, quæ denotantur naturæ & animæ utriusque vocabulo. Hinc etiam necesse est, quodvis gaudere suo proprio charactere. Deprehendimus nempe in corpore animantium & maxime in humano, actiones, quæ solo motu perficiuntur, ubi nempe corpora inter se mutuis viribus motricibus & innatis agunt, à quarum virium æqualitate seu æquali nisu vi ac robore actione & pressione quies, ab inæquali vero, loci vel situs mutatio dependet. Ubi igitur corpus agit, & corpus patitur, & hæc invicem inter se viribus suis agunt, hæc actio dicitur naturalis & physica, recentioribus mechanica, it. necessaria. Nam necessarius semper sequi debet effectus certam corporum inter se actionem. Quam necessitatem effectuum ex necessariis causis nascentem *æternam immobilem naturæ legem* recentiores nominarunt. Naturæ vero vox inde videtur suam trahere originem, quoniam vis ista motrix activa, extenso à Deo innata & insita est, quo sensu etiam Aristoteles definit naturam principium motus & quietis. Qui motus



aut quies inest subsistit & inhæret per se, & non per accidens, adeoque naturam habent illa corpora, quæ motu aut quie- te gaudent nativa à principio ipsis absolute imma- nente, non adventitia vel ab externis rebus arcessita. Actio itaque naturalis in corpore humano hæc celebratur, quæ absolvitur operatione & concursu solo corporum. Ita sanguinis & humorum circuitus, digestio, secretio, excretio, motus fibrarum intestinorum & aliorum canalium peristal- ticus à causis necessariis fluunt, sine concursu ordinario alte- rius substantiæ vel virtutis, & hujus gratia dicitur actio natu- ralis mechanica.

### §. III.

Sunt vero in corporibus animantium aliæ actiones & motus, qui non à sola vi & mutuo contactu corporū proficiscuntur, sed sublimiori virtute instructi corpora vel eorum partes in motū excitant. Ita e. g. certa impressio ab objecto externo agente in animantibus suscepta, certa item idea, perceptio, cogitatio, quæ omnis extensionis & indolis corporeæ expers est, potentiam habet corpus animantis, vel certas ejus partes ad motum, certo gradu, proportionem, successū, durationem, certumque in finem concitandi. Cujus quidem rei testes sunt animi adfectus, qui universi corporis partes & nonnullas ex iis peculiariter agi- tare ac commovere solent. Confirmat id etiam vehemens idæ certæ impressio, quæ quod incerta corporis inembra pro indole sua agant, res est notissima. Ita fastidium cibi vel alicujus rei, ubi de eadem cogites, ventriculum ad vomitum concitat; firmior pulchræ mulieris contemplatio, ad venerem genitales partes stimulat; appetentia cibi grati, partes, quæ digestionem præsident, contrahit, ipsisque vigorem, motum ac succum sol- vendis cibis convenientem subministrat. Sola porro imagina- tione alvum moveri, corpus sudore digeri posse, experientia demonstrat. Ipse timor saltē à quodam morbo v. g. à variolis, pe- stilentia, epilepsia, ipsum morbum promte in corpore producit. Vehemens & subita impressio in gravidis quos mirificos cha- racteres foetibus inducere idonea sit, Vulgo notum. Quæ  
cuncta



cuncta clarissime ostendunt, sublimiorē, omnisq; extensæ indolis expertem adhuc virtutem inhærere animantium & maxime hominis corporibus, quæ anima solet appellari, & quidem sensitiva. Inde omnis actio, quæ ab ea proficiscitur, animalis nominatur, cujus generis sunt motus voluntarii, animi pathemata, & omnes motus qui sequuntur sensus, desideria, appetitus.

§. IV.

Reperiuntur adhuc aliæ actiones non in omnibus animantibus, sed in solo homine, ubi nullus concursus corporum fit, nullus motus, nulla actio eorundem subsequitur, videlicet idearum sive impressionum, quæ objectorum externorum causa fiunt, abstractio, collatio, comparatio, connexio cum interna notitia, iudicio & libertate agendi, unde nascitur ratio, veritas, quæ & alteri mentem convincere, instruereq; apta est & valet; quæ iusti & iniusti internam cognitionem & sensum possidet. Hæc nullis mechanicis legibus adstricta, hæc cum corpore nullum habet commercium, nisi quod tantum corpus animatum sit ejus domicilium, & sensus materiam ratiocinationis subministrant. Hanc excellentem virtutem mentem, rationalem animam, radium divinæ imaginis, spiritum κατ' ἐξοχήν recepto sic vocabulo & Theologi & Philosophi appellant.

§. V.

Rebus in se distinctis sic distincte propositis, judicare jam promptum & expeditum est, per naturam, quæ à medicis consideratur, & quæ corpus cum adfectum sanat, tum integrum conservat atque tuetur, minime intelligi mentem seu animam rationalem. Eodemque ex fonte discimus, neque animam sic dictam sensitivam eosdem motus qui in corpore accidunt, vel efficere vel moderari. Quamvis non negemus, hanc ipsam in corpus habere magnam, ut supra docuimus, potestatem, in pervertendis & turbandis motibus naturalibus, quorum & pertinent vitales. De natura itaque humana, quæ secundum Hippocratem est omnis sermonis seu ratiocinationis in medicina fundamentum, nihil aliud intelligimus, quam mirabile illud i-

phus



psius corporis nostri artificium, cujus autor summus artifex est DEUS, cujus sapientiam immensam similis naturæ opus repræsentat. Effectus enim merito existimatur æqualis suæ causæ. Hæc naturæ definitio omnium antiquissima. Platone venuste vocatur natura ars divina in materia. Et Asclepiades, teste Cæl. Aureliano L. de acutis morbis, jam olim naturam nihil aliud esse quam corpus & ejus motum asseveravit. Igitur non immerito quæritur, in quonam hujus summi artificii ratio & indoles contineatur. Quod quidem paucis nos explicaturos confidimus, si demonstramus, in admirabili illa coordinatione motuum, quos ipsius corporis partes inter se locatæ ex se & sua natura suscitant, quique omnes nobilissimum in finem tendunt, naturæ vim positam esse. Neque enim ullus est artifex, cui non in opere, quod molitur, finis propositus sit, nullus porro est, qui non omnes partes machinæ omniaque instrumenta disponat & componat ad certum scopum. Scopus vero creatoris fuit, ut corpus nostrum motibus excitatum, & virtute sublimiori, quæ percipiendi vi polleat, donatum sit instrumentum, imo domicilium ipsius mentis coelestis originis, ut in illo habitet, ex illo ideas hauriat, & suas functiones, ad quas destinata est, exerceat. Essentia enim humanæ naturæ maxime in eo versatur, ut substantia a corpore maxime diversa unita sit arctissimo vinculo cum corpore vivo & animato. Ut itaque hæc conjunctio diu constet, opus est, ut corpus duret, quam corporis durationem & conservationem physico sensu vitam appellant.

§. VI.

At enim vero æque necessarium est, ut sensuum vis etiam in suis organis integra maneat ac illibata. Horum enim beneficio ipsa mens concipit ideas quæ cogitationū & rationis materia ac fundamentū sunt. Universi autem artificii in machina humana reconditi prima & præcipua ratio eo respicit, ut corpus in sua mixtione & structura, cum alioquin corruptioni maxime pateat, perduret atque conservetur, ut sensoriis etiam instructum sit, quibus objecta externa percipere & secundum perceptio-



nem reagere motibus spontaneis possit. Quicquid vero eum in finem præstat, id perficit solo motu, non confuso, sed bene ordinato, & regulari, qui a recentioribus nomine mechanismi insignitur. Sicuti enim ob motum regularem & in certum finem ordinatum omnes construuntur machinæ, quæ constructio mechanismus dicitur: ita etiam nostra omnibus machinis tam naturalibus quam manu factis superior, unice a Deo sumo & sapientissimo corporis nostris opifice ob certum & specialem motum contexta atq; excitata est, eademq; quemadmodum omnes machinæ accurate & secundum proportionem, tempus, gradu ac proportionem agunt, non ex sua notitia, ratione, consilio, intentione & directione aliquid præstat in actibus naturalibus & vitalibus, sed secundum intellectum & rationem summi artificis id exequitur. Ingens tamen in eo deprehenditur differentia, quod in machinis arte humana factis plerumque simplex semper & idem modus sit operandi, in machinis vero divinis, plantis & animantibus variet illa operatio. Et quidem ratio est in procinctu, si quidem in illis semper una eademque dispositio permanet causalis: v. g. in horologiis, machinis hydraulicis, hydraulicoque pneumaticis; in his vero variant causæ. Neminem enim rerum medicarum peritum ignorare oportet, res externas & inter has præcipue elementa, ætherem, ærem, aquam, alimenta cujuscunque generis & res non naturales varie disponere & afficere corpora & illorum motus. Vita enim machinæ, sanitas, morbus & mors unice a causis externis fluunt. Quapropter opus est, ut medicus naturæ rerum cognitionem compertam habeat, ut identidem bene intelligat, quos effectus, vel qua ratione eos exferant in corporibus humanis res naturales. In eo enim demum versari veram universæ scientiæ medicæ cognitionem existimo, & sine ea medicina manca, trunca ac debilis jure reputatur.

#### §. VII.

Quisque itaque clarissime perspiciet, ad motuum œconomiam, qui vitam & sanitatem tuentur, & morbos etiam depel-



pellunt, minime necessarium esse concursum entis cujusdam, quod notitia, perceptione, multo minus quod directione gaudeat. Ejus sententiæ quoque fuerunt veteres & prudentiores recentiorum. Hippocrates L. I. de Diæta §. 6. hæc protulit: *Corpora, quæ faciunt, non sciunt, quæ vero faciunt, scire sibi videntur, & quæ vident, non cognoscunt, attamen omnia in ipsis fiunt per divinam necessitatem & quæ volunt & quæ non volunt. Accedentibus vero illis huc, his vero illuc & inter se permixtis unumquodque destinatum fatum explet, & ad majus & ad minus.* Idem sentit ex recentioribus Sydenhamius Sect. 2. de morb. acut. p. 158. Ego, inquit, quoties naturam nomino, toties causarum naturalium complexum quendam significari volo, quæ quidem causæ brutæ licet & omni consilio destitutæ, non tamen sine summo consilio reguntur, dum suas quæque operationes edunt suosque effectus exsequuntur. Nimirum supremum illud Numen, cujus vi producta sunt omnia, & a cujus nutu dependent, infinita sua sapientia sic disponit omnia, ut ad opera destinata se certo tempore quodam ordine atque methodo accingant, neque frustra quicquam molita, neque nisi quod optimum est ac toti rerum fabricæ suisque privatis naturis maxime accommodum exsequentia, perinde atque automata non pro suo, sed artificis consilio mouentur. Et rectissime Baglivius p. 154: *Naturæ nomine non intelligo sapiens quoddam phantasma, vagans, & consilio singula dirigens, sed complexum quendam generalem causarum naturalium, quæ licet consilio destituantur, effectus tamen suos pariunt juxta leges a summo conditore inditas, atque ita ordinate, ut quasi summo regi consilio videantur.*

### §. VIII.

Cum vero non satis sit, stabiliendæ huius sententiæ causa allegare auctoritatem, convenientissimum erit, & ipsa ratione huius rei veritatem confirmare. Quod si enim hæc ipsa, quæ vitæ sanitatis & morborum ac curationis negotium spectant tantum ex corporum natura, motuum legibus & solo mecha-



nismo perspicue possunt explicari, alienum certe est, in auxilium aliud quoddam Ens notitia imo ratione, consilioque præditum, advocare. Minus etiam congruum fuerit, id ipsum in fibris motricibus & habitu corporis nostri, ubi nullus idearum, sine quibus nec ulla scientia concipi potest, datur proventus, collocare. Quod si porro totius mundi machina solis mechanicis legibus ornatisime regitur, & tot mirabiles effectus producit, id ipsum aliis cur denegare machinis velimus, causam plane non video. Neque vero hoc loco quidquam prodest eorum objectio, qui non concipi posse existimant, quomodo cuncti, tam secundum quam præter naturam in corpore nostro motus fieri possint sub certo tempore, certis gradibus, certum in finem, per congrua evacuatoria ordine, siquidem hæc cuncta nempe tempus, successio, gradus, intensio, remissio, motui inhærent, & ad motus naturam spectant; directionem autem certam in organis cum notitia interna plane pernegamus, neque aliam agnoscimus, nisi quæ ex ipsa dispositione organorum profluit. Unde quod certa tempora requirantur ad ortum & successivam perfectionem corporis nostri, quod certis & statis temporibus fiant excretiones, certis periodis redeant morbi & solvantur, certo tempore ad appetitum, somnum & vigilias incitemur, hæc omnia clarissime edocent, necessariis & corporeis ea fieri de causis. Id quod vel ex eo solo maxime judicandum, quod physicis causis, alimentorum & medicamentorum efficacia, hæc invicem immutari, crises morborum suspendi, periodi febrium accelerari, vigiliæ consuetæ imminui possint. Neque vero nostra est sententia, ex eodem fundamento consuetudinis, quæ in actibus moralibus, inclinationibus, propensionibus, vitiis, virtutibus, moribusque locum habet, naturam deducere atque derivare. Non ignotum enim nobis sublimiorem virtutum & virium naturam actionem & agendi modum esse, quam ut humanæ mentis angustia eam comprehendere & adsequi possit.

§. IX.

Neque hic valet ille mirificus consensus inter notiones animæ & corporis intercedens, cujus beneficio discimus, ex sanguini-



sanguinis motu, similem motum animum trahere. Ita si cum impetu fertur sanguis, animus quoque præceps, impatiens, atque impetuofus animadvertitur. Idem si segni cunctantique alveo progreditur, eadem animo lassitudo, segnities par. Ex eo tamen minime colligendum, unum idemque esse principium, quod actibus moralibus & corporeis præsideat. Consensus utiq; apparet dilucidè animæ & corporis, ex eo tamen minime evincitur, illud, quod cogitat, quod percipit, facere corporis motus; multo minus vero ex habitu animæ, præsertim rationalis, judicanda est motuum in corpore natura. Nam anima prudentissima & in summa tranquillitate constituta v. g. in senibus, non potest impedire graves ægritudines, viscerum obstructions, scirrhus, sanguinisq; & feri stagnationes huic ætati perquam familiares. Deinde in turbulento statu motuum, anima tranquilla & prudens manet. Quod vero in actibus naturalibus & vitalibus nulla præsens sit ratio, nulla consideratio, notitia, & directio, satis superq; evincunt errores, qui subinde visuntur. In quem salutarem enim & rationalem finem spectant atroces illæ convulsiones? quid boni præstant funesti spasmi, qui à venenis excitati in ventriculo, pestē & perniciem corpori moliuntur? Quo spectant tot convulsionum genera, quæ à flatibus vel vermibus in intestinis stagnantibus fiunt? Quo summi acerbique dolores? Quo vehementes acutæque febres ad læsionem levissimam vel puncturam nervi tendinisque exorientes? Certe istæ enormes commotiones sunt peiores ipsa causa, cujus gratia secundum hypothesein à prudente natura instituuntur. Siquidem nisi arte succurratur exitium corpori & periculum vitæ afferunt, sique prudenti consilio & directione in morbis actiones & motus corporis administrantur, certe non perspicimus, quamobrem tam remotæ ab omni ratione alienæque in quibusdam affectibus motiones per incongrua loca, non debita proportionē instituantur. Deberet in corporibus impuro sero turgidis, cachecticis, viscerū obstructionibus, scorbuticis, concitatori ac celeriore motu sanguis circumvolui, ut sanguinis crassities atteretur



retur, emunctoria aperirentur, & ita superfluum ex corporis sphaera ejiceretur, cum tamen ex pulsus debilitate contrarium observetur. Putredinosa quæ humoribus & sanguini in peste & malignis morbis imminet corruptio, requirit vigorem & intensiorem motus circulatorii, quo illud, quod corruptum est, auferatur, & corpus ab ulteriori labe præservetur; cum tamē & vigoris virium & motuum in his affectibus summa debilitas, & jactura deprehendarur. Ubibilis acris exsuperans varias passiones, tertianas febres intermittentes, continuas, arduas, excitat, maximo cum æstu, siti inextinguibili, opus potius esset, si negotium cum prudentia gereretur, moderatiori motu. In rheumatismis, catarrhis, arthriticis affectibus, materia peccans, acris, falsa, tenuis vel etiam crassior, tartarea, per cutis meatus, aut renes eliminanda, ad articulos & fauces inclinatur, cum maxima molestia & sæpius periculo ægrotantis. Quæ porro prudentia est, quæ ratio, quare sanguis abundans magno cum impetu in apoplecticis, in paralyticis ad caput feratur, funesto frequentissime eventu? ex terrore quod abortus, quod epilepsia, cordis palpitatio, & convulsiones nascantur? quænam utilitas, quænam salus inde expectanda est? Sæpe etiam sanguis & humores ejiciuntur, qui servandi erant, uti accidit in hecticis, cachecticis, hydropicis. Et sunt utique adhuc plures vix enumerandi errores, ex quibus certe nec bona vel proficua intentio, quæ ex effectu debebat æstimari, multo minus ratio vel prudentia colligi potest. Rectissime itaque Asclepiades, referente Cœlio Aureliano dixit, *Naturam & prodesse & nocere.*

§. X.

Neque majoris momenti æstimanda est eorum dubitatio, qui universum nostrum corpus ejusque partes tantum instrumenti & organi vices gerere, & hæc excitari moverique ab alia quam corporea substantia debere, profitentur. Sicuti accidit apud fabrum ferrarium, qui malleo pro arbitrio suo in varium utitur finem; at malleus ex toto non merè se habet passive, sed tantum respectu manus artificis, unaque concurrente sua reactione agit efficacissime. Concedimus quoque in uno quo-



quoque motu corpus mobile considerari posse passive, dum impellitur à movente: nihilominus hoc ipsum reagit & effectum, qui moventi negatus est, auget atque modificat. Quæ cuncta etiam concedimus in corpore nostro. Neutiquam vero admittimus dari in corpore nostro Ens quoddam, quod pro arbitrio, pro intentione sua sic utitur partibus musculosis ceu instrumento passivo. Paucis ubi in phisicis & medicis res & effectus rerum explicari & demonstrari possunt principiis, quæ in conceptum, quæ in sensum cadunt, quæ corporeis rebus propinqua sunt, insunt & quadrant, non confugiendum ad altius principium, cuius natura & proprietates directe non pertinent ad corpus vel ad ejus constitutionem aut operationem ordinario concurrunt.

§. XI.

Dicimus itaque naturam corporis humani, quando medici hoc utuntur vocabulo, nihil aliud esse, quam artificiosissimam partium tam solidarum quam fluidarum corporis, quæ perpetuo in actione, motu, nisu, tensione, reactione constitutæ sunt, constructionem, coordinationem nobilissimum in finem. Et ut rem specialius exequamur, est nihil aliud, quam sanguinis & humorum motus jugis ac perennis a debito fibrarum pulsu, tono & quantitate ac proportionem fluorum dependens. Ad hunc motum stabiliendum ac sustinendum, accuratissima in ita anatomica & physica consideratione, totius corporis omniumque partium artificium, dispositio, situs, structura conspirat: ut materia ad sanguinem commoda præparetur, ut ex eadem fiat sanguis & succus roscidus nutritius, ut idem in motum adactus eodemque attritus & attenuatus intime commisceatur, idemque ab omnibus impuritatibus depuratus aptus sit ad corpus nutriendum, & tenuissimum fluidum, quod magna mouendi facultate donatum est, sensoriis & fibris motricibus nempe musculis in illorum robur subministrandum. Sanguinis igitur circulus est unicum illud & maximum fundamentum, cui universa oeconomia animalis omnesque actiones, quæ in corpore accidunt, innituntur



cur. Hic est fons, autor, causa omnium eorum, quæ ad constitutionem perfectionemque corporis nostri pertinent. Quapropter non sine ingenti ratione hic in orbem motus, quoniam omnes actiones corporis moderatur, vitalis dicitur. Et vitam in motu consistere, ferme omnes uno ore medici affirmant. Neque opus est rationibus ad id confirmandum ex longinquo repetitis, quando experimentis exploratum est, quod simulac vel in toto corpore plane cessat & extinguitur hic humorum circuitus, sensuum ac rationis usus cum ipsa vita intercipiatur, corpore, quod beneficio hujus motus alioquin securum est à putredine, eandem tunc subeunte. Quod si corporis membrum hoc sanguinis motu privatur, omnis confectum ejus perit usus & ad corruptionem inclinat. Præterea circulus hic firmum vinculum est, quo sanctior nostri pars, animus scilicet, quem de coelo decerpimus, amico foedere cum corpore conjungitur. Hic circulus quoque sustinet omnes sensus eorumque exercitia, hic nutrit, perficit & restaurat corpus, hic denique tonum, robur, motum vigoremque omnibus partibus elargitur. Idem a corruptione corpus, quo non quicquam magis adfligitur, præservat, quæ universa omnia vitæ nomine quatenus vel ad corpus vel simul ad totum hominem spectant, solent comprehendere. Hic quoque circulus est, qui moderatus, æquabilis, secundum ordinem & regulam omnium partium actiones administrat, i. e. sanitatem efficit. Hic turbatus, morbos progignit omnis generis, eodemque everso corpus emoritur. Perquam curiosa enim est observatio, neminem mori, quin cadavera incisa causam mortis manifestam in sublato hoc sanguinis motu repræsentent. Hinc vel inflammatio partis nobilioris, vel sanguinis & feri extra vasa secessio, vel polyposa concretio in vasis majoribus hærens, vel visceris cujusdam ingens corruptio & putrefactio in defunctis clarissime visitur. Syncoptici, in quibus sensu & motu cessante, vita ad tempus desinit, iis remediis quæ motum collapsum restituunt & revocant, ut sunt frictiones, V. S. spiritus fortes naribus & ori infusi,



fusi, interne spirituosa data, aquæ aspersio frigida, a fatali meta retrahuntur. Crebriori vidimus experimento, animantia, quibus nulla superesse videbatur vita, inflato aëre in tracheam vel ductum thoracicum, ad vitam mox fuisse reducta, cordis motu restituto. §. XII.

Præterea circulus sanguinis non tantum avertit mala a corpore, sed sanat etiam corpus, & hic est ille medicus, qui languores corporis curat, hæc est illa natura, quæ ex veterum etiam sapientium sententia medetur morbis, ac ab omni labe corpus defendit, firmam eidem præstans sanitatem. Quamdiu enim sanguis justo & legitimo modo per corpus fertur, tamdiu omnis corruptionis vis, ad quam paratissimum est corpus animantium, etiam sub calido cœlo & humido, qui hanc maxime fovet, infringitur ac impeditur. Et quamdiu decenti modo per venas transit sanguis, nullus morbus subsistere, nulla peccans materia progenerari potest. Pleræque enim morborum causæ originem suam ex imbecilliori & male disposito sanguinis motu per viscera trahunt. Ratio vero quare sanguinis motus à corpore putredinem arceat, idemque à mixtionis suæ destructione, & læsione quasvis internas pernicies machinæ intendente, defendat, est, quod à jugi & perenni sanguinis progressionem & continua per innumeros canales ac tubulos multiplices pressione, diversa sanguinis elementa facili nexu in se coeuntia vel secedentia perpetuo & intime misceantur, uniantur, ut omnes & unum fluidum ex diversissimis particulis constans constituent, quod vel minimos canaliculos circuire, & non tantum omnes partes rigare & succos omnino utiles alendo, gignendo, sentiendo, movendo, necessarios elargiri, sed & inutiles superfluos, agiles, ad corruptionem inducendam proclives, iniquas tandem ipso illo intestino, sed per poros in minimos tubulos transpressorio motu dissolvere & per varia congrua emunctoria expellere possit. Quin imò ipse motus florum est eius naturæ, ut non sinat putrescere. Sola enim stasi, stagnatione & quiete humorum & mors & morbus præsentissime inducitur, sola sta-



gnatione humor decedit à nativa sua crasi, mixtione atque textura, motu vero unice conservatur. Neque vero vita directe & proxime à debita secretion & excretion pendet, sed à solo motu, ita etiam mors, quæ sæpius celerrime ab animi pathemate, à spasmis, à causa externa proxima ratione incidit, à defectu excretionum non dependet. Videmus enim corpora quorum succi impuritatibus & sordibus scatent, vivere. Videmus etiam corpora, motu celerrimo agitata sub magna copia excretionum perire. Formale itaque vitæ & mixtionis corporeæ non tam directe in excretionibus, sed potius in ipso motu intestino & progressivo versari judicamus, non negantes, excretionem suppressas morbos causasque morborum prognerare.

§. XIII.

Cum itaque tota natura microcosmica, quæ proxima actionum in corpore causa, nil nisi sanguinis circulum & motum denotet, quem medicus sive in statu sano sive morbofo homo versetur, perpetuo attendere, ac respicere debet, non immerito quæritur, quomodo & a qua causa præcipua iste motus & oriatur & conservetur. Nos itaque cum contemplamur corporum interiora, deprehendimus omnino motuum instrumenta, quibus partes fluidæ impelluntur & agitantur, esse maximè fibras & musculos vi commouendi præditas. Ubique proinde humores feruntur, sive utiles sive inutiles, ibi reperies musculosas fibras ac tunicas, ex quibus etiam vasa omnis generis constant. Est vero geometrico-mechanica harum fibrarum musculosarum constructio, ut irrigatæ tenuissimo aëreo-æthereo elasticæ indolis liquido in justo motu se conservent, contrahantq;, & hujus contractionis vigore ac robore instar emboli liquida contenta propellant, quem motum activum fibræ proprium systolen Græci appellant. Quod vero contractivo motu gaudeant fibræ musculosæ, clarissime apparet ex ipsa incisione musculorum facta in animalibus statim post mortem, vel in vivis etiam. Et quod curiosum est: simulac deferit calor corpus, cessat quoque illarum contractio. Alter motus musculorum, qui

prio-



priorem subsequitur, & magis passive sese habet, est ipsorum expansio, & fit à copia & impetu sanguinis in partes musculosas illabentis. Hoc duplici musculosarum partium motu systoles & diastoles simplicissimo, totus humorum circuitus & ex eo dependens secretionum, excretionum atque œconomix vitalis & animalis universum negotium, continetur. Hic motus si saluus, integer & secundum regulam est, sanitatem efficit, turbatus vero morbos parit. Et mirabile est, quod infinitæ sapientiæ artifex deus, certe simplicissima methodo ac via, unico nempe systoles ac diastoles motu, fibrarum motricium contractione dilatatione & impulsu ac progressu liquidorum, omnes actiones universi corporis & animæ functiones sustineat atque perficiat. Adeo ut hujus motus reciprocatione & debito successu perpetuitas sanguinis circuli, sive perpetuus & continuus motus, qui fatigavit tot nobilissima ingenia, contineatur. Ad duplicem verò hunc motum, qui & in corde & in reliquis musculis celebratur, ibiq; pulsus, hic tonus & tensio dicitur; duo fluida requiruntur, unum mobilissimum elasticum, quod cerebrum & nervi subministrant, & maxime moventis vices gerit, alterum crassius, quod mobiles partes tuetur, sanguinis nempe & humorum massa. Nerveum fluidum fibrarum contractionem, dilatationem verò earundem sanguinis in vicinas partes appulsus magis efficit: qua distensione & mole sanguinis efficitur, ut nerveum majori copia in arteriam distentam influat, & restitutionem atque contractionem rursus urgeat; utpote dilatatio arteriæ ad promovendam systolem & restitutionem facit, sicuti systole dum liquidum expellit, in vicina arteria promovet diastolen.

#### §. XIV.

Deinceps ad continuandum hunc duplicem & revera vitalem cordis & fibrarum musculosarum motum observanda est mirabilis illa consensio, quæ est inter cor & cerebrum, & inter sanguinis & fluidi nervei motum. Quandocunque enim sanguis ministerio systoles cordis fertur ad caput per carotides, non modo ex sanguine subtilissimo fluidum nerveum generatur, sed & facto cerebri pulsu, arteriarum pressione influxus e-



jus in nervos promovetur. Inde evenit, ut si quando sanguinis motus sistitur in cerebro, eo ipso quoque nerveum fluidum deferat cor ac musculosas partes, syncope id docente: Contra, quo major est sanguinis appulsus ad cerebrum, sicuti fit in febribus à sudoriferis, à motu corporis, eo celerior quoque influxus succi nervei & appulsus ejus in cor fit, unde augetur etiam hujus systole. Hæc pulcherrima harmonia & consensu cordis ac cerebri efficitur, ut unus saltem cordis pulsus & motus, idoneus sit motus propagare, & continuare, non interrupta serie in universo corpore etiam per centum annos. Quæ de causa syncopticis, si saltem semel incipiat rursus cor moveri, mox toti corpori redit vita, sensus motusque. Hoc est illud artificium summum mechanicum in structura corporis nostri reconditum, quod motus vitales administrat, quod ex causis mere corporeis pendet, & natura medicis audit, quæ maxime omnium in considerationem physico-medicam venire debet, si de vita, de sanitate, de morbis & illorum curatione quæstio est. Neque natura cum anima hoc in negotio est confundenda, quæ non motus ordinario efficit, sed potius illos percipit, æstimat, judicat, dirigit, per meras ideas & actus immateriales, non tamen sine ordine, sine proportionem. Quapropter & non sine insigni ratione actiones naturales ab animalibus bene & recte veteres distinguunt.

§. XV.

Ita satis deducta & exposita natura corporis nostri, quæ etiam secundum Hippocratem medicinæ est principium ac fundamentum, facile jam intelligi poterit, quando sermo est de natura corporis robusta, imbecilli, sensibili, morbosa, quomodo hæc debeant explicari. Igitur valida, robusta, & ad vitam longam idonea natura ea est, ubi corpus fibris compactis copiosis valde tensis formatur, ubi fluidum nerveum copiosum, vasa majora & ampla, & sanguine temperato plena: ita expedite ac prompte sanguis & humores per totum corpus circulantur. Imbecillis contra natura dicitur, ubi fibræ laxioris & mollioris texture, non tanta copia nervei fluidi,



vasa sunt minora: quæ omnia tardiores & languidiorem humorum motum præstant. Sensibilis natura dicitur, quæ fibris subtilioribus, tensis tamen & vigore motus animatis constat, ut ad leviusculum etiam impulsus motum excitent. Et tam expedita ad motum fibrarum promptitudo efficit etiam animi habitum expeditum, celerem & promptum. Torpens natura est, in qua crassiores fibræ fluido elastico parcius imbutæ, ad motum & agilitatem parum promptæ sunt. Morbosa natura ita accipienda est, quando fibræ motrices ad anormales motus facile suscipiendos & propagandos quasi habitum nactæ sunt, ex repetito nempe exercitio, unde magna est vis hæreditariæ dispositionis, magna etiam vis morborum pertinacium, qui quasi in habitum degenerarunt. Ita porro calida & sicca natura, sive secundum Galenum temperamentum Cholericum est, quando a fibrarum prompto ac celeri motu sanguinis massa celeriori & concitatori motu per vasorum systema circumfertur. Si placidior & moderatior est fibrarum motus, & clementior sanguinis cursus per venas sanguineum dicunt temperamentum. Si vero tonus fibrarum relaxatus, si debilis est, & segni itinere sanguis per tubulos migrat, phlegmaticum audit temperamentum. Melancholicum denique dixeris, sub quo densæ, crassæ & immobiliiores fibræ, tardiores sanguinis circuitum efficiunt. Sequitur vero sanguinis cursum & animi habitus. Rectissime Hippocrates L. de aere, aquis & locis: *Mores naturæ compares sunt, i. e. sanguinis circulo: sicuti id à D. Præfide latius deductum est in Diss. de Temperamento fundamento morum in gentibus.*

§. XVI.

Denique hac doctrina de natura bene intellecta, jam facile intelligi poterit, quomodo ætas, quomodo victus imo aër naturam immutet, & corpus ad varios mores, variasque ægritudines disponat. Hæc enim sunt, quæ maximè fibrarum structuram, corporis habitum, adeoque & humorum temperiem & motum immutant. Unde Hippocrates passim di-



*cit: Natura a natura, corpus a corpore differt: it. Sect. III. aph. 2. Aliæ naturæ se ad æstatem, aliæ ad hyemem bene vel male se habent.* Tandem etiam ex hac doctrina intelligi potest illud, consuetudinem esse alteram naturam, id quod & de moralibus & de naturalibus corporis actionibus valet. Si enim fibræ certæ partis semel iterumque à debito suo tono, tensione ac motu recesserunt, & vel spasmus vel atoniam passæ fuerunt, tunc rursus facile ex hac dispositione a leviori etiam causa incitatæ hunc motum repetere solent.

§. XVII.

De hac itaque jam sufficienter descripta natura pronunciarunt veteres, & etiam nos pronunciamus, quod morborum sit curatrix, quod sæpe sola, nulla adjuta medici ope, ægritudines depellat. Hæc vero summæ utilitatis res, quæ proxime spectat ad scopum medicum, ut paulo curatius expendatur, operæ esse pretium duco. Dicimus itaque, naturam non alio modo morbos curare quam motu & sanguinis circulo, sive in quibusdam partibus sive in universo corpore auctiore facto. Sicuti enim sanguinis motus proxime omnes actiones corporis dispensat, animæque operationes, inclinationes, mores efficit, sensum motum & robur partibus elargitur, corpus nutrit, secretiones & excretiones efficit, ita etiam hic sanguinis circulus corpus defendit a morbis, eosdemque tollit ac sanat. Diximus supra, motum sanguinis a cordis & arteriarum motu, systole & diastole, a muscutorum tensione & relaxatione decenti, iuxta sanguinis & humorum copia ac temperie pendere: hinc quoque sanatio morborum per naturam ex eodem debet fundamento & ex iisdem causis explicari.

§. XVIII.

Natura vero morbis medetur motu progressivo auctiori, hoc ipso enim omnes stagnationes sanguinis & humorum, quæ vitæ perniciem struunt, quæ corruptionem moliuntur, remouentur & plethora, quæ fecunda morborum mater est, tollitur, dum auctiori progressivo intestino motu sanguis, imo ipsa



ipsa pinguedo corporis in serum excrementitium dissolvitur, quod postea per sudorem & urinam evacuat. Motu quoque auctiori serum superfluum impurum viscidum hinc inde subsistens, & fibris ac vasis impactum attenuatur, funditur, & foras ejicitur. Motu auctiori contumaces obstructions referantur, vasa humoribus infarcta aperiuntur; motu quoque auctiori sanguinis ad peripheriam corporis facto, malignæ, salinæ acres sordes ex corpore propelluntur ad ejus ambitum. Ipse quoque sanguis purus mole peccans, ipsum serum quantitate exsuperans per congruas vias eliminatur, & hac ratione causis morbi sublatis, corpus ab interitu vindicatur atque defenditur.

### §. XIX.

Hæc omnia præstat mirifica vis naturæ solennibus maxime duabus motionibus, spasmo nempe ac febris. Spasmus fibrarum certæ cujusdam partis, major tensio, & constrictio est. Febris verò magis spasmus est universalis totius corporis, fibras afficiens, in quo omnes fibræ majori tensione gaudent, unde celerior & frequentior sanguinis impulsus & ex hac motus celeritate intestina præcalida commotio: in spasmis, circuitus sanguinis maxime fit inæqualis. Dum enim ob majorem tensionem & contractionem fibrarum venæ comprimuntur, sanguinis transfluxus liberior inhibetur, unde sequitur in aliis & remotis partibus, major humorum confluxio, vasorum distensio & tandem, in iis locis ubi eminent, si minus membranis firmis subjacent, apertio, unde sanguis effunditur. Tales spontaneæ sanguinis effusiones cum levamento sæpius fiunt, & a practicis criticæ ac salutare vocantur, nullo modo, vi vel subito cohibendæ. Ita sanguis per nares in juvenibus, in foeminis per uterum, in senibus per venas sedis utilissime profunditur, si nempe superfluum est, si peccat, si in debilibus naturis robore motus destitutis stagnat. Nam stagnatio maxime sanguinis, ex qua vasorum, membranarum ac nervorum pressio, spasmi & consequentis hæmorrhagiæ causa existit. Et sanguine super-  
fluuo



fluo evacuato reliquus in venis cruor melius regitur, subigitur, ac depuratur.

§. XX.

Februm quoque indoles soboles spasmus est, sed magis universalis: perficitur vero sequentem in modum. Incipit primo spasmus in exterioribus partibus a corde remotis & in integumentis corporis cutis contrahitur, intremiscit, in monticulos attollitur, inalgescit, venæ disparent, hinc repressus sanguis ad interiora, ibique retentus, mole sua implet vasa pulmonum & cordis interiora, inde anxietates efficit, & majori impetu ac copia illapsus in caput, largiorem fluidi nervei in nervos cordis instillationem sollicitat. Quo fit, ut interiora pectoris viscera & mole sanguinis pressa, accedente crebriori succi nervei instillatione, vehementius se contrahant, cor systole aucta sanguinem impetu expellat, qui per tensas ubique in corpore fibras transfluens, attritione magna facta, calorem ingentem accendit. Hic motus auctus & calor dissolutoria virtute gaudens, minuit succorum quantitatem, ipsos in ferum resolvendo & per evacuatoria copiosius excernendo. Quisque exinde facile perspiciet, febrim sæpius magnam esse corporis medicinam, præsertim plethorici cachectici & fero impuro scatentis. Febrilis quoque motus præsidio est humidioribus, dum exsiccatur, dum fibras laxas robustas efficit, & obstructa viscera reseat. Magnum quoque febris est remedium adversus morbos, qui spasmis innituntur, quod spasmus ut plurimum fiunt ex sanguinis copia. Qua de causa tradente Hippocrate L. V. aph. 70. *qui quartana corripuntur, liberantur a convulsionibus, epilepsia, melancholia.* Tum febris est medicina sanguinem depurans, dum sordes plurimas per emunctoria congruè liberalius ejicit. Memorabile est, quod scribit Langius L. I. Ep. 16. p. 20. *Vidi, inquit, plus centies scabiem per aliarum febrium, præcipue quartanæ crisis exortam sponte exolescere citra omne medicamentorum subsidium.* Liberat etiam natura corpus per febriles commotiones & secretiones à sordibus inalignis, & vitæ periculosis cau-



causticæ qualitatis, ipsas ex interiorib9 ad exteriora propellēdo, sicuti videmus in variolis, morbillis, erysipelate, purpura, arthritide, variisque exanthematibus, pustulis, glandularum tumoribus, anthracibus, scabie. Simulac enim sese ostendunt in habitu corporis, mox interiora fiunt pacata, anxietates, inquietudines cum febre sese remittunt. Si quando sangvis stasin concipit in vasculis, ibique impactus detinetur & ingentem dolorem ac inflammationem creat, ipsa febris, quæ ut symptoma consequitur, ejus est indolis, ut motu sanguinis ad partem citatiore factō, illud sanguinis, quod ibi hæret, quod stagnat successive vel discutiat, vel ad motum ac ordinem reducat. Magna itaque præstat febris in medendo & sanum corpus reddendo, mirabilisque res est, infinitam divini opificis sapientiam ac providentiam declarans, quod ipse morbus remedio & præsidio corpori sit, quod ipsi causæ removendæ, à qua excitatur, idonea sit. Voluit nempe immensus Dei amor, ut perpetuo sub dolore afflictioneq; lateat utilitas & salubritas. Equidem motus febrilis per se non bonus, non salutaris dicendus; nam per se & absolute nil nisi motus est deflectens à regula, qui exercitium actionum s. n. pervertit, turbat, qui quandoque etiam perpetuo fere noxius est, ut apparet in hectica: salutaris autem fit relative & per accidens, quando nempe causa morbi ita comparata est, ut jugulari & corrigi possit ab auctiori sanguinis motu.

§. XXI.

Non verò natura vitia ex sanguine nata tantum tollit, & febre medetur, sed & superfluum & impurum serum magno cum emolumento educit. Quod ipsum videmus in coryza, in tussi, diarrhæis, vomitu, sudoribus: quæ evacuationes consuetæ præservant sæpissime corpus à gravissimis morbis, quod vel ex eo patet, dum imprudenter suppressæ, vitæ periculum afferunt, & morbum futurum certò prænunciant. Fiunt & hæ evacuationum species non sine motu sanguinis concitatiore, non sine extremorum strictione, vel etiam motu peristaltico ventriculi & intestinorum aucto. Augetur hic mo-

D

tus,



tus, dum tunicae harum partium nerveæ, vel à mole materiae vel ab ejus acrimonia premuntur & vellicantur. Is enim est omnium fibrarum & tunicarum nerveo-carnosarum genius, ut exterius mole nimia pressæ, vel à stimulo falso, acri, punctæ aut agitæ sese fortius contrahant, quam contractionem postea similis expansio sequitur, qua ratione per universum intestinorum volumen expedita & celerrima fordium fit dejectio. Præterea & alii chronici & veteres affectus sæpiissime sponte tolluntur à natura, motu materia peccante vel extra corpus vel ad alias partes transmissa. Ita vidimus, asthma suffocativum per erysipelas, per tumorem pedum œdematosum sublatum. Vidimus epilepsiam & melancholiam curatam per scabiem, melancholiam & insaniam per varices, per hæmorrhoides, tumores pedum & ventris per largius urinæ profluvium.

§. XXII.

Hisce dictis morbis natura sola medetur, parum juvantibus remediis; ita plebeji, rustici, & populi, qui medicis destituuntur, vel natura averfari solent remedia, solius naturæ beneficio convalescunt, restituuntur, & sæpe longe felicius iis, qui pluribus medicis ac medicamentis usi fuerunt, dum varia moliendo potentioribus, remora potius injicitur efficaci naturæ operationi. Memorabile est, quod scribit Sanctorius Sect. I. aph. 139: *Nobilium fere nemo cum remediis sanatur, qui peste laborat, plebeji vero sine iis plures sanantur*. Id quod certissime etiam valet de aliis morbis, qui felicius curantur sine medicis, quam si à medicis tractentur.

§. XXIII.

Eget vero natura in sua curatione ordine, eget etiam tempore; unde observamus certo tempore prodire variolas, morbillos, erysipelas, certis temporibus recurrere sanguinis criticas per uterum & hæmorrhoides evacuationes; certo tempore maxime septimo die solvi graves inflammationes, septimo, undecimo vel decimo quarto die febres continuas



tinuas & ardentes solvi; certis quoque temporibus fieri in febribus evacuationem per sudorem, per alvum; & in gravidis à vehementi uteri hæmorrhagia abortum fieri debito tempore. Certum etiam requiritur tempus, ut in coryza, in tussi, materia præparetur, quæ ad excernendum sit apta; destinatum etiam tempus desideratur ad materiam arthriticam podagricamq; corrigendam, ut ad excussionem, ad transpirationem fiat idonea. Certa etiam tempora observat natura in repetendis motibus spasmodicis item febrilibus, unde recursus & paroxysmi morborum fiunt statis periodis.

§. XXIV.

Verum enim vero hæc accurata temporum observatio minime designat superius quoddam libere, moraliter, cum prudentia & intentione agens principium, sed potius tempus hoc denotat necessitatem motionum atque effectuum, qui fiunt in corporibus & à corporibus. Quid enim aliud est tempus quam certus numerus, duratio & successus motuum. Quandocunque itaque singularis effectus in corpore nostro fieri debet, ut vel materia maligna mitigetur vel corrigatur, & certa moles humorum dissolvatur, & evacuetur, certus numerus, gradusq; motuum necessarius est, consequenter etiam certum tempus. Deinde etiam ut materia peccans, horum morbosorum motuum causa generetur, mole vel motu inimica, opus etiam est tempore. Ut fibræ motrices à spasmis & vehementioribus motibus debilitatæ recipiant vigorem & robur, quo agitationem & impulsus causæ morbificæ vel mole vel qualitate agentis recipere, reagere & se rursus contrahere possint; opus denique est certa temporis periodo. Ex quibus jam facillimum erit, paroxysmorum sive motuum morbosorum recurrentium rationes repetere.

§. XXV.

Non tantum vero natura agit & sanat in tempore, & cum tempore, sed & per vias & emunctoria humori peccanti accommodata atque convenientia, quod excernendum est, ejicit: idque minus efficit directione motuum ad has partes vel



consilio aut prudentia quadam, sed sola etiam mechanica ex ratione & necessitate. Rudes enim & crassi humores per ampliores tubulos ac meatus patentiores, tenuiores, per angustiores poros sua sponte feruntur. Ita biliosæ & viscosæ in prima regione subsistentes sordes, commode per alvum eliminantur. Serum superfluum salino-crassum opportune per urinarias vias & itinera evocatur. Salivalis tenuis latex per salivæ fontes, mucus per narium ductum, bronchia pulmonum, fauces & crassiora intestina evacuatur. Subcutanei vero constricti tubuli tenuissimum falsumque vaporem exterminant. Prout igitur humor excrementius crassior vel tenuior in morbo peccat, eo plus per hæc vel illa loca amat evacuari.

§. XXVI.

Quum itaque natura tam providus & sapiens multorum affectuum sit medicus, & sæpe sola sine alia externa ope feliciter illos tollat; merito talis modi in casibus medicum oportet esse plus spectatorem quam actorem. Plures enim dantur morbi ipsa teste experientia, qui sine medici ope sanescunt. Ita variolæ & morbilli certis temporibus tam benignæ indolis observantur, ut sine vehementia symptomatum decedant. Intermittentes, pleuritides, peripnevmonia, catarrhales, febres, nullam medici opem sæpe desiderant. Ardentes rhevmaticæ, erysipelacæ febres felicius sæpius sanantur sine medico, quam eodem accedente. Quin etiam præstat, si veritatem fateri velimus, soli naturæ committere curationis negotium, quam imperiti medici experimentis sese tradere. Is enim, cum minus intelligit naturæ salutarem sanandi vim vel non attendit, varias ipsi & ejus motibus noxas molitur, magno cum ægrotantis detrimento. Id quod faciunt maxime ii, qui, antequam materia cocta & præparata ad exitum sit, eandem agitant, commovent, & expellere conantur, qui etiã per alias & incongruas vias, quibus peccans humor non respondet, eam educere student, qui motus improvide & intempestive augent, cum potius sint pacandi; vel qui motus deficientes, qui excitandi



maxime erant, supprimunt atque extinguunt. Peccatur hac in re toto die, quod admodum dolendum est, dum medici imperiti suis arcanis & generosis auxiliis abutentes plus nocent, quam profunt; & arroganter & protervè, quando victrix natura ex tot obstaculis eluctata fuerit, sibi id tribuunt, & magnam gloriam ac præmium inde aucupantur. Non minimus igitur labor medici est, nosse naturæ ductum, genium, processum, vias & salutare motus curandi, ne illos turbet impediaturq; & ubi ipse agere atque adjuvare naturam debet, id soli naturæ permittat.

§. XXVII.

Absolvimus jam laudes naturæ medicatricis, ordo nunc exigit, ut quid ars valeat, & efficere possit in medendo, dispiciamus. Non enim semper & ubique naturæ vires ad restitutionem & reparationem illius, quod læsum est, sufficiunt, sed interdum plus valet docta ars quam natura. Nam ubi gravior solidarum partium læsio, ubi insignis partis facta est jactura, vel præva dispositio aut conformatio membri, ibi naturæ vires planè deficiunt. Ita naturæ nullus effectus expectandus in luxatis, in fractis membris reponendis, excrescentiis tollendis, & in surditate, quæ fit ab obturatione meatus auditorii, vel in cœcitate, quæ fit a paño pupillæ superincrescente, aut consummata cataracta. Nihil quoque præstare potest in uteri vel ani procidentia, in herniis, inextirpatione membri emortui, in calculo, secundinæ vel foetus extractione. Idem evenit in curandis ulceribus fistulosis, absumendis tumoribus, evellendis scyrrhis, removendo cancro, exedenda cariosa excrescentia, anevrysmate curando, quibus in casibus natura parum valet, multum vero, imo plurimum ars sibi vindicat, & maxime ea artis pars, quæ manu curat, & omnibus medicis eo commendatior esse debet, quo evidentior ejus est effectus.

§. XXIIIX.

At vero non tantum magna artis in externis vitiis tollendis  
D 3 est



est præstantia, sed & ad internos quoque sese extendit morbos. Ex quorum censu maxime eminent morbi sic dicti chronici, qui a natura vix tanguntur, sed artis exigunt necessitatem. Et ut exemplis rem declaremus, nunquam lues venerea solius vincitur naturæ viribus, sed validissima exigit remediorum genera, quæ segnes motus excitent, obstructions contumaces glandularum excutiant, & impuram lympham per sudorem aut salivales fontes magna vi expellant. Quorsum spectant sudores largi & salivationes lignorum decoctis, inedia, mercurio bene præparato, antimonialibus essentiis excitatæ, quorum decenti usu certe morbus contumacissimus evinci potest. Scorbutus affectus est rebellis, & symptomatum atrocitate fere infamis, tot regiones pervagans, qui à natura minus, heroicis vero auxiliis commodissime depellitur. Qua laude pollent remedia sale volatili acri balsamico imbuta, ut decoct. ligni gvajaci, sassaf. corylor. pini, summitatum centaurii min: essent. alexipharm. tinctura bezoard. volatil. spir. cochlear. cum oleo suo probe saturatus, tinctura antimonii acris, pillulæ ex gummatis. inedia, motus & exercitatio corporis. In juvenili ætate & corpore existente calidiore diluentia, ut serum lactis cum herbis antiscorbuticis mixtum, acidularum & aquarum salubrium potus valde proficiuus est. Phthisis ex pulmonum ulcere nata si sanationem adhuc recipit non à sola natura, sed ab arte maxime curatur. Neque ignotum est medentibus, quam insignem opem promittat hanc in re lactis cura, balsamica temperata, decocta, quæ ingrediuntur scordium, hederæ terrestris, fanicula, herb. agrim. plantaginis, flores millefol: hyperici, rad. symphyt. major. emplastra balsamica toti thoraci applicata, non omisso victu ex cancris cochleis, ostreis, moderatori corporis motu, inque principio mali & leniori V. Sine Foeda scabies foedissima lepra, effectus naturæ prorsus eludunt, quæ tamen heroicis remediorum generibus decenter applicatis cedere solent. Hujus generis sunt mercurius dulc. regul. antim. medicinal. fl. & lac sulphuris, tinct. antimon. acris, tinct. sulphuris, cum decoctis emollien-



lientibus & diluentibus exhibita, non neglecto balneorum usu, sangvinis detractio & leniori alvi ductione. Podagra & arthritidis genera ex habitualibus sunt affectibus, nihilo minus si non curantur, tamen multum levantur lactis cura, hæmorrhoidum provocatione, temperantia, in victu & venere & corporis motu usuque thermarum & aquarum salubrium. Ingens & diuturnum malum est, quo hypochondriaci torquentur, cujus vis tamen si non tollitur, tamen imminuitur recto usu thermarum, acidularum, martialium, temperate balsamicorum sangvinis detractio, hæmorrhoidum fluxu, & pillularum balsamicarum, quæ intestinorum tonum roborant, usu. Desiderat quoque hic affectus motum corporis, justam diætam, abstinenciam à frigore, ab acidis, à leguminibus, à flatulentis.

§. XXIX.

Inveteratam epilepsiam, quæ etiam per XX. annos ægrum traxit, naturæ beneficio curatam ignoramus. Novimus vero id factum ab emeticorum usu, & specificis antiepilepticis ex animali regno petitis. Colica convulsiva, præsertim quæ à saturni fumo improvide excepto metallurgos vexat, ad lethum vel insanabiles morbos deducit, nisi occurramus internis emollientibus, oleosis carminativis, extrinsecus balneis, & clysteribus mere oleosis ventri infundendis. Quis ignorat porro arsenici deleteriam vim tot funeribus famosam, si intus hauriatur, quod ut venenum omne cito jugulet, si naturæ expectes præsidium, quod promte contra præstat oleum & lac in copia haustum quæ & defendunt ventriculi tunicas ab inflammatione & erosionem, & irritando vomitum virus è corpore rejiciunt. Morsus canis vel lupi rabidi ut plurimum funestus est, & omnem naturæ vim respuit. Quam tamen præstat ars, siquidem experimentis comperitum est, recentis occisi illius animantis quod læsit impositum parti affectæ, prodesse. Paralytes & nervorum resolutiones sensu & motu privant corpus & partium usum auferunt, nihilominus, nisi inveteraverit malum, sub ætate florida, tempore verno-



linamenta ex oleis nervinis, balsamicis parata, & spinali medullæ inuncta, laconica balnea ex formicis parata, decocta ex lignis balsamicis, herbis cephalicis, & purgantibus facta, pillulæ cephalicæ purgantes, succinata cum spir. salis ammoniaci, & spiritu cornucervi mixta. Guttam serenam incipientem discussam vidimus usu pillularum cephalicarum, & liquore spiritituofo balsamico fronti & temporibus crebrius cum linteo imposito. Deperditus auditus ingens est vitiū, nihilo secius purgante fortiori cum cephalicis nervinis mixto, inedia & sudoriferorum usu quandoq; superatur. Cachexiæ, leucophlegmatiæ, anasarcæ, tumoribus ventris & pedū oedomatosis, quæ mala per se rarius aut nunquam sanescunt, magnum auxilium & spem valetudinis promittunt salia lixiviosa in copia sumta, extracta amara cum balsamicis, it. martialia cum debito regimine motuque corporis propinata. Quæ menstruorum difficili obstructione laborant, opem tandem juveniunt ex V. Sne. usu thermarū pillularum balsamicarum, martialium, & motu corporis. Gonorrhœa exigit quoque artis opem, neq; à natura sponte superatur, sed latius serpens etiam ipsam sanguinis massam inquinat, commodè tollitur, si præmissa fuerint purgantia, balsamicis gummatibus & subadstringentibus pillularum forma exhibitis, it. injectionibus quæ & purificant consolidantque. Sævum & contumax malum fluor albus in feminis est, qui artis multoque magis naturæ vires sæpius eludit, infusis tamen purgantibus & roborantibus ex rhabarb. fibris helleb. nigri, meliss. cort. assafras, res. ligni aloës, guajaci paratis, it. suffimigiis ex tacamahaca cinnab. succino curationem tandem admittit. Lumbrici in intestinis hærentes, quā sæva nervoso generi inducere soleant pathemata, experientia docet quotidiana. Frustraneus hic est omnis naturæ conatus, qui magis adjuvandus est mercurialium & acriorum stimulantium, it. assæ foeditæ, myrrhæ, tanaceti, camphoræ, sem. fantonici, quæ specifica adversus eos virtute gaudent, adsumptione. Viscosa materia ad calculosam concretionem vergens in renibus vel in vesica urinaria subsistens commodissime educitur sub fabuli vel mucii forma

tin-



subsistens commodissime educitur sub sabuli vel mucii forma tinctura cantharid. tartarifata, clyffo antimoni tartarif. liquore filicum, usu thermarum Carolinarum, pulvere Vockameri, & in plebejis allii usu. Mitigant vero crutiatus ex renum calculo eximiè fructus alkekengi, sem. cumini, amygd. amaræ, usus thermarum Carolinarum, mel & ejus generis plura. In mania- co effræni delirio compescendo omne naturæ molimen fu- pervacuum est, sicuti contra pulvere ex herbis specificis para- to, cum spiritu vini sumto, illud penitus sublatum animadver- timus. Vidimus quoq;, ab epoto asinino sanguine cum lacte illud levatum ac mitigatum fuisse. Periculosus apoplexiæ morbus sæpius sola sanguinis largiori detractio ex manu dis- scutitur, quod auxilium natura non subministrat. Contra- cturæ partium renuunt omne naturæ auxilium, axungia contra animantium cum oleis nervinis mixtæ, item fots adfecti membri ex sanguine animantium calenti, potus aquarum salu- briū acidularum quandoq; integritatem partis restituunt. Ter- tiana autumnalis & quartana contumax diutius protractæ visce- ra & inprimis hepar, unde hydrops nascitur, corrumpunt: ad eas vero expugnandas multum faciunt mercurius dulcis & re- guli antim. medicin. martialium ac china china opportunus usus.

#### §. XXIIIX.

Nolumus in allegandis curationibus, quas plus ars quam natura perficit, esse prolixiores, cum ex dictis clarissimum sit, medicum, arte sua, modo illam recte didicerit, egregie succur- rere corporis humani miseris posse. Et certe, quid medicus va- leat, quid ejus ars efficiat, id longe clarius in curationibus chro- nicarum passionum manifestum fit, quam ex cura acuto- rum morborum. Hic enim natura plus valet arte, ibi ars plus na- tura. In quam rem elegantia sunt verba, quibus Corn. Cels. libro tertio operis sui præfatur: *Magis tamen ignoscendum est, medico, inquit, parum proficienti in acutis morbis, quam in longis. Hic enim breve spacium est, intra quod si quod au- xilium non profuit, eger extinguitur. Ibi & deliberationi*



*& remedium mutationi tempus patet, adeo ut raro, si inter initia accessit medicus, obsequens æger sine illius vitio pereat.* Neque tamen existimandum, in hisce curationibus naturam plane non succurrere, sed potius ita sentiendum, naturam & horum morborum & harum passionum curam absolvere, non vero solam, sed arte adjutam. Unde etiam multum interest, quam naturam in hisce langvoribus medendis nactus fuerit artifex, si enim plane inbecillis, debilis & langvida fuerit, si motus naturales prorsus deficiunt, fibræ penitus tono ac robore exutæ, viscera obstructa & corrupta sunt, nihil efficere potest: ergo & ars sub favore naturæ militat, & sub ejus præsidio morbosas depellit ægritudines. Quin etiam quod maximum, etiam in horum morborum curatione imitari debet naturam. Hæc acutas passiones tollit motu fibrarum auctiori, humorum motu intensiori facto, & excretionibus liberioribus & liberalioribus. Medicamenta etiam, quæ supra laudavimus, non alio modo operantur, quam quod cunctantem, segnem & langvidam naturam erigant, motus suscitent in solidis & fluidis partibus majores intensiores, excretoria aperiant, & ipsas excretiones adaugeant. Igitur & acutæ & chronicæ passiones motu adaucto curantur.

XXXI.

Verum enim vero neque in acutis passionibus natura semper sola bene peragit negotium suum, sed utique & ars ut ipsi succurrat, eamque adjuvet necesse est. In inflammationibus præsertim viscerum & in corporibus sanguineis V. S. maximum & necessarium est præsidium, & sine ea etiam repetenda sæpe, præsertim inter initia morbi, vix peripneumonia, angina, uteri & renum inflammatio feliciter curantur. In febribus synochis & ardentibus magnum quoque a V. S. ne peti potest auxilium. In variolis morbillis, imo intermittentibus febribus utile sæpius est sanguinem detrahere, si vasa nimium ipso turgent. Non directe quidem sanguinis missio tollit febrem vel inflammationem, sed tam symptomatum vehementiam avertendo, quam circulum humorum prom-



promptiorem efficiendo magnum momentum affert in curando. In sanguinis nimio profluvio per pulmones, per uterum, per hæmorrhoides, sanguinem mittere convenit, ut impetus fluxionis a parte laborante avertatur. In gravioribus artuum vagis doloribus solamen ingens sæpe affertur, si sanguis mittitur.

§. XXXII.

Emeticorum quoque prudens usus multum naturam adjuvat in medendis acutis passionibus, ubi colluvies est ex intemperantia & diætæ vitio plurimarum sordium acidorum, biliosorum, viscidorum in febribus, siue malignæ fuerint, siue intermittentes, siue lentæ. Necessarium tum est, ex duodeni & ventriculi sinu has sordes exonerare, ne plus oneri sint naturæ, peccantem materiam foveant, augeant, & graviora symptomata inducant. In variolarum & morbillorum morbo emetica divinam sæpe ferunt opem, quippe natura sæpius in principio hanc evacuationem intendit & monstrat medicis viam. Certissima & multiplici experientia compertum est a medicis Berolinensibus peritisimis, secure non modo, sed & cum magno levamine & in principio & in medio ac declinatione morbi dari emetica, sed prudenti & parca manu porrecta. Experimentum id jam tribus vicibus fecit D. Præses felicissimo successu tribus in infantibus, qui periculose ex variolis decumbebant. Hi maxime circa tempus suppurationis summa anxietate, inquietudine, difficultate spiritus cum suffocationis metu & virium jactura corripiebantur, data quarta parte tartari emetici in liquido per sedes & vomitum incredibilis copia viscidum humoris excreta fuit mox & cessantibus symptomatibus, recepere vires & vitæ periculo erepti fuerunt. Tentavimus id paucis abhinc diebus in infante trium annorum. Laborabat non ita pridem morbillis, qui quarto die, ipsis jam se ostendentibus mirum cœpit langvere cum spiritus difficultate, somno vero nullo eoque pavido. Mox algebat, mox incalescebat corpus, dedit D. Præses septimam partem grani tartari emetici cum aliquot guttulis essentiæ ca-



sterei & cochleari aquæ menthæ, a cuius usu non vomuit, sed ter deiecit per alvum copiosam viscidam viridissimam maleolentem materiam. Factum exinde, ut mox resumeret vires & meliuscule se haberet, largiter in cute protrusis maculis. Hæret ut plurimum, ut nostra fert sententia, fomes plurimorum exanthematum variolarum, morbillorum, purpuræ primis in viis, & quam maxime in flexura duodeni, & ex lymphâ salivâ & bile corrupta producitur: quin etiam observavimus, insultus arthriticos consuetos perpetuo fere mitiores, quando statim inter initia leni emetico, vel solo vel cum laxante mixto prima regio à sordibus evacuata fuerit. Novimus chronicam purpuram non prius corpus deseruisse, quam post simili modo factam per vomitum expurgationem. Faucium periculosæ inflammationes aphtæ sordidæ acutis & malignis febribus non raro supervenire consuecunt, nullam aliam ob causam, quam quod morbi tempore ob alvi per aliquot dies adstrictionem sordium corruptarum subnata fuerit in intestinis copia. Juvat ibi quoque lenioribus clysteribus, salibus abstersivis corruptam materiam detergere & educere. Contumacia intermittentium sæpius non nisi emeticis & ex metallorum familia sumtis purgantibus vincitur. Pestis, dysenteria etiam contagiosa ut plurimum mineram ac fomitem alit primo in intestino: unde quæ blando vomitu hanc ipsam evehunt dare consultum est, experientia id attenta ac frequenti confirmante. Sæpius factum, ut unico emetico & subsecuto sudorifico in principio febris malignæ dato, totius morbi vis & impetus simul & semel sublatus fuerit.

### XXXIII.

Magna quoque est vis & efficacia sudoriferorum & diaphoreticorum, quorum prudens usus naturam in morbis acutis egregie adjuvat. Unicum auxilium in peste in sudoriferi potentis, quale est acetum alexipharmacum, matura exhibitione positum esse, omnes uno ore affirmant. Malignæ quæcunque & quæ associantur inflammationibus, continuum eorum, quæ diaphoresin clementer movent, usum, quo nec quicquam



quam datur præstantius, postulant. Blande enim & successive materia maligna corrigi, & stasis sanguinis dissolvi amat. Nitrosa etiam magna sunt remedia, quibus naturæ languenti in acutis, ubi ingens æstus & quasi interiorum incendium jungitur, succurrimus, id quod obtinet in ardentibus, cholericis, inflammatoriis febribus, nec non in tertiana continua æque ac intermittente : sedato sanguinis vehementiore æstu, omnia pacatiora fiunt & expeditius morbus procedit ejusque sanatio. Fixiora, terrea, temperantia, diluentia, in acutis, quibus exanthemata sociantur, ab acri caustica materia subnata, admodum sunt proficua. Hujusmodi etiam in fluxionibus acris, diarrhœa, dysenteria dare pernecessarium est. Neque anodynus, præcipue correctis carere potest peritus medicus in juvando naturæ opere circa sanationem acutorum occupatæ. Commendamus hujus scopi causa theriac. coelest. Wildegansii pilulas, & emulsiva papaveracea. Ubi enim atrocitas dolorum & spasmodum urget, & ex hac metus est febris gravioris vigiliarum, delirii aut convulsionum, jucundissimum hæc ipsa afferunt allevamentum. In dysenterico etiam fluxu pulcherrima hæc sunt medicina.

§. XXXIV.

Multum quoque medicus præstare & naturæ auxiliari valet commodo regimine, quod sæpius plus valet remediis pharmaceuticis. Ita non modo proficuum sed & necessarium est in omnibus inflammationibus & exanthematicis, febribus præsertim in principio & statu moderatiori frui calore lecti & hypocausti, in puro & temperatiori aëre versari, in quiete & transpiratione servare corpus, cavere affectus & omnem excessivum internum & externum calorem. Imperandus quoque semper tenuis victus, & humidum largius offerendum, circumcidendum vinum & excludenda omnia, quæ valde nutriunt. Expedit quoque nosse, quomodo æger se habere debeat circa morbi declinationem, circa critica tempora, quod excretiones non sint sistendæ nec ad inconvenientia loca urgendæ sed immoderatiores placide moderandæ. In blanda diaphoresi



corpus semper fervandum, quam excitare convenit temperatioribus analepticis jusculis calidis. Quæ cuncta satis superque declarant, utique & artem valere ac medicinam in acutis passionibus persanandis, non modo ad evitanda pericula, sed & ut celerius ac securiori via secunda recuperetur valetudo.

§. XXXV.

Ex his jam dictis clarissime intelligitur, naturam in negotio sanandorum morborum corpori esse eximio præsidio, dum ipsa sola nonnullos curat. Vidimus quoque ingentem artis medicæ præstantiam in adjuvandis & moderandis naturæ conatibus, vel etiam in excitandis languentis & quiescentis naturæ officiis, ut tam naturæ quam arti sua constet laus, sua gloria. Sequitur jam ut etiam de artis medicæ præstantia in avertendis morbis dicamus. Profecto hoc in negotio medicinæ usus eminentissimus. Cum enim certum sit & à rebus, quæ appellari solent à medicis non naturales, aëre, victu, motu, excretis, retentis, animi affectibus, & quæ sunt generis alia, pendere sanitatem & morbos proficisci; certe ut ea sciamus quæ profint & noceant humanis corporibus, & specialiter certis subjectis, pars medicina est utilissima. Natura hic nullum selectum, novit sed prudentiæ opus est, scrutari eas res, ratione & experientia in consilium ducta. Et ita præscribere sanitatis leges convenit, ut imminetia mala avertere possimus, profecto enim medicinæ ingens usus est in præservandis adfectibus, & utinam majori studio ac labore hanc medicinæ partem agitarent illi, qui medicinæ scientiam sibi vindicant, utinam etiam qui sanam & longam vitam ducere exoptant, medicos peritos consulerent, vel sui corporis proprii medici essent. Potens est ars medica tollere morbos, sed longe potentior est, eos præcavere & ut non fiant impedire. Est quoque tutius cavere, ne corpus in morbos proruat, quàm ipsos præsentis depellere. Quid aer, quid aqua, motus, victus, animi tranquillitas, cibi quantitas & qualitas, quid V. S. purgatio, abstinencia, balneorum, aquarum salubrium thermarum usus hac in re possit, iis non ignotum est, qui harum rerum naturam operandi modum, vires effectus & naturas hominum accuratius perspectas habent. Neque etiam promiscue omni-



omnibus corporibus idem regimen vitæ convenit, sed etiam in eo necessarium est distinguere subjecta. Rectissime enim inquit Hippocrates: Corpus à corpore, natura à natura differt, & sæpissimè quod alteri inimicum, alteri est amicum. Igitur quam maximopere in hac re comendamus, naturas hominum scrutari atque cognoscere. Omnes quidem hoc clamant uno ore, sed quid intellectum hoc ipso velint, destituti claris rationibus applicare non satagunt. Ex iis vero, quæ supra posuimus, haud difficile erit ea explicare. Igitur naturam corporis humani cognoscere hoc significat, nosse vires, nosse robur partium atoniam vel motuum ataxias. Ad cognitionem quoque naturæ humanæ pertinet, habitus corporis scientiam in numero habere, quænam sit vasorum copia, amplitudo viscerum constitutio, qualis sanguinis copia, temperies, mixtio, qualis sit ejus motus & circuitus, quod ex pulsu, calore & transpiratione judicamus, qualis sit tonus ventriculi & intestinorum, quod ex appetitu, digestionem & alvi excretionibus patet, qualis habitus animi sit, & simul corporis, ad has vel illas passiones: quales ingenii vires, inclinationes; quæ etiam cuncta corporis naturam, fibrarum motum ac tonum & humorum circulum manifestant. Jungi hisce omnibus debet parentum constitutio, solum natale, ætas, vitæ genus, clima, victus, quæ universa mirifice naturam corporis immutant; Et ut rem in pauca contrahamus, cardo universæ scientiæ medicæ unice in eo versatur, ut naturam hominum in statu sano & ægroto perspectam habeamus, & quomodo arte, i. e. motus & medicamento- rum præscriptione, nec non ipsa manuali operatione *eam adjuvare debeamus.*

Finire placet nostram dissertationem veteri Medici damasceni dicto: *aph. 23. 24. Victus & natura curant morbos, medicus utriusque minister est, proinde si naturam juveris, medici munus præstiteris. Id enim solum est officium medici. Si naturam succumbere permiseris, nihil egeris, & carnificem magis quam medicum repræsentabis.*



# CLARISSIMO DOMINO CANDIDATO

S. P. D. PRÆSES.

**T**hessalum Methodicæ sectæ addictum Medicum jactasse subinde ajunt, sex mensium spatio posse addisci medicinam. Qui an arroganter id fortasse, an verè, secundum ejus viam medicinam tractandi id dixerit, in dubio relinquimus. Nos verò quanquam tam angustis terminis hanc nobilissimam disciplinam non circumscriptam velimus, illud tamen concedimus posse in eadem, si quis generosam industriam cum ingenio adtulerit, manu ductione fideli accedente, brevi tempore id assequi, quod aliis, qui destituti sunt hisce præsiidiis, negatum est. Nihil enim tam arduum est, tam difficile, quin improbus labor eo possit eniti, præsertim si jungatur ingenii celeritas & maturus rationis ac judicii usus, siquidem sine judicio frustraneum est, plura nosse, plura memoria tenere, frustraneum etiam, omne scriptorum genus excutere. Hoc feligit & distinguit bonum à malo, verum à falso, inutilia recidit, utilia amplectitur, confusa in ordinem redigit, memoriæ quæ insident, digerit, & convenientibus usibus applicat. Paucis: judicio qui pollet, brevi plus præstare potest in omnibus scientiis ac artibus, quam qui eo caret, longissimo temporis intervallo. Judicandi vero potentiam affert ætas, affert quoque philosophiæ studium. Philosophia enim ingenium perficit, acuit, excolit: ad omnes abstrusas disciplinas aditum parat, & ad salutarem quoque nostram artem addiscendam multum facit, quapropter quicquid in medicina unquam clarum extitit, id medici philosophiæ præceptis exculti nobis præstiterunt. Sapienter itaque & rectè is facit, qui prius quam ad sacra medicinæ accedit, solidis scientiis philosophicis animum imbuat. Tu certè, Nobilissime Dne. Candidate, hæc quæ diximus, Tuo exemplo approbas, siquidem hisce exornatus præsiidiis brevi tempore ad cognitionem artis nostræ pervenisti non perfunctoriam & superficiale[m] sed solidam, adeo ut non tantum mente teneas tam in theoria quam praxi ea, quæ utilia & salutaria sunt, sed & defendere & aliis explicare usibusque accommodare commode possis. Consecutus id es, bono ingenio, indefessa industria & sapientiæ & philosophiæ studio, quo preparatus prius, Te contulisti ad medicinam. Atque profecto ad invidiam usq; proponis nobis exemplum, quo doces, brevi tempore studium medicum posse addisci. Proposita itaque etiam Tuæ sunt industriæ quædam præmia, de quibus toto ex animo gratulor, D. T. O. M. precans, ut benedictione & gratia sua Tuis conatibus porro adesse velit, quo patria & miseri ægotantes inde repetant fructum amplissimum. Vale,